

სსიპ – შეფასებისა და გამოცდების ეროვნული ცენტრი



მანქანების შეკეთება და ტექნიკური მომსახურების შესყიდვა გამარტივებული
ელექტრონული ტენდერის საშუალებით
(CPV 50112000)

პრეისკურანტის სავარაუდო ღირებულება: 56331 ლარი

სახელშეკრულებო ღირებულება: 5000 ლარი

ქ. თბილისი
2014 წელი

სატენდერო დოკუმენტაცია:

1. ტექნიკური დავალება;
2. პროექტენტის მიერ სისტემაში ასატვირთი დოკუმენტების ნუსხა;
3. სახელმწიფო შესყიდვის შესახებ ხელშეკრულების პროექტი;
4. დანართი №1 პრეისკურანტი (Excel);
5. დანართი №2 მომსახურების გაწევის ვადები;
6. დანართი №3 ტექნიკური შესაძლებლობები;
7. დანართი №4 ინფორმაცია ანალოგიური მომსახურების გაწევის გამოცდილების შესახებ;
8. დანართი №5 რეკვიზიტები.

პირობები, რომელსაც უნდა აკმაყოფილებდეს პრეტენდენტი ტენდერში მონაწილეობის მისაღებად

- შესყიდვაში მონაწილეობის მსურველ პირს უნდა გააჩნდეს ავტომანქანების ტექნიკური მომსახურების არანაკლებ 3 (სამი) წლიანი გამოცდილება;
- მიმწოდებელს ქ. თბილისში უნდა გააჩნდეს მინიმუმ 1 (ერთი) სერვისცენტრი, რომელიც აღჭურვილი უნდა იყოს ყველა საჭირო ტექნიკითა და დანადგარებით.

ტექნიკური დავალება

1. მიმწოდებელი ვალდებულია სსიპ – შეფასებისა და გამოცდების ეროვნული ცენტრის ბაზანსზე რიცხულ ერთ ერთეულ ავტომანქანა – TOYOTA PRADO-ს (ძრავის მოცულობა 2.7, გამოშვების წელი – 2007წ.) გაუწიოს ტექნიკური მომსახურება პრეისკურანტის (დანართი №1) მიხედვით.
2. მომსახურების გაწევისას გამოყენებული ყველა მასალა და სათადარიგო ნაწილი უნდა იყოს ახალი, ქარხნული წარმოების და ორიგინალი.
3. გასაწევი მომსახურებებისა და სათადარიგო ნაწილების ერთეულის ღირებულებები პრეტენდენტის მიერ მითითებული უნდა იქნას პრეისკურანტში (დანართი №1), რომელიც არ უნდა აღემატებოდეს პრეისკურანტში ამავე პოზიციებზე დაფიქსირებულ ფასებს და ერთეულის ღირებულებების ჯამურმა ოდენობამ არ უნდა გადააჭარბოს 56331 ლარს.
4. ელექტრონული ვაჭრობის შედეგად წინადადების ფასის კლება შესაძლებელია განხორციელდეს მხოლოდ პრეისკურანტის სავარაუდო ღირებულებასთან მიმართებაში.
5. ხელშეკრულების ღირებულების თანხა, რომელიც განსაზღვრული იქნება **5000** ლარის ოდენობით აღებულია შესაძლო გასაწევი მომსახურებებისა და შესაძლო გამოსაყენებელი სათადარიგო ნაწილების მიხედვით, ხოლო ანაზღაურება „მიმწოდებელთან“ განხორციელდება მის მიერ ფაქტობრივად გაწეული მომსახურებების და ფაქტიურად გამოყენებული სათადარიგო ნაწილების და მასალის მიხედვით, ხელშეკრულების მოქმედების ვადის ამოწურვის მომენტისათვის არსებული აუთვისებელი/გამოუყენებელი თანხა რჩება შემსყიდველთან და იგი არ წარმოშობს რაიმე დამატებით ვალდებულებებს მიმწოდებლის მიმართ.
6. ელექტრონული ვაჭრობის შემთხვევაში, ელექტრონულ სისტემაში დაფიქსირებული საბოლოო ფასიდან გამომდინარე, საუკეთესო დაბალი ფასის მქონე პრეტენდენტის მიერ პრეისკურანტით გათვალისწინებული ერთეულის ღირებულებები დაკლებულ უნდა იქნას პროპორციულად ყველა პოზიციაზე, პრეისკურანტის სავარაუდო ჯამურ ღირებულებასა და სისტემაში დაფიქსირებულ პრეისკურანტის საბოლოო ღირებულებას შორის არსებულ სხვაობიდან გამოთვლილი (გამოყვანილი) პროცენტის შესაბამისად. ამასთან, თუ ელექტრონული ვაჭრობის შედეგად ერთიან ელექტრონულ სისტემაში დაფიქსირებული საბოლოო ფასიდან გამომდინარე გასაწევი მომსახურებებისა და სათადარიგო ნაწილების ერთეულის ღირებულებები დაჯდება მრავალნიშნა ათწილადი, პრეტენდენტი ვალდებულია აღნიშნული ღირებულებები შეამციროს და დაამრგვალოს მეასედებამდე. შესაბამისად, შეამციროს პრეისკურანტის ჯამური ღირებულებაც.
7. ავტოსატრანსპორტო საშუალების ტექნიკური მომსახურება უნდა განხორციელდეს მიმწოდებლისა და შემსყიდველის მიერ გამოყოფილი უფლებამოსილი პირების მიერ

შედგენილი დეფექტური აქტის საფუძველზე. დეფექტურ აქტში მითითებულ უნდა იქნას დაზიანებული ავტოსატრანსპორტო საშუალების მოდელი, სახელმწიფო ნომერი, აღმოჩენილი ხარვეზი, აღნიშნული ხარვეზის აღმოფხვრისათვის საჭირო გასაწევი მომსახურებების ჩამონათვალი (შესაკეთებელი და/ან საჭიროების შემთხვევაში შესაცვლელი დეტალების გათვალისწინებით) და განახორციელოს აღნიშნული მომსახურება პრეისკურანტში (დანართი №1) მითითებული ღირებულებების შესაბამისად.

8. თუ, გასაწევი მომსახურება და/ან შესაცვლელი სათადარიგო ნაწილი არ არის გათვალისწინებული პრეისკურანტში, მაშინ მხარეები შეთანხმების საფუძველზე, აღნიშნულ გასაწევ მომსახურებასა და შესაცვლელ სათადარიგო ნაწილს, მათი საბაზრო ღირებულების გათვალისწინებით, უთითებენ დეფექტურ და მიღება-ჩაბარების აქტში. შესაბამისად, ანაზღაურება მოხდება მიღება-ჩაბარების აქტის საფუძველზე (ხელშეკრულებაში დამატებითი ცვლილებების შეტანის გარეშე სახელშეკრულებო ღირებულების შეუცვლელად).

9. მიმწოდებლის მიერ განხორციელებულ მომსახურებაზე და თანმდევ სათადარიგო ნაწილებზე (ასხალი, არამეორადი) უნდა ვრცელდებოდეს გარანტია ვადის ან გარბენის მიხედვით, რომელიც მიმწოდებლის მიერ უნდა მიეთითოს დანართი №1-ში. საგარანტიო ვადის განმავლობაში მიმწოდებელი ვალდებულია დაუყოვნებლივ, საკუთარი ძალებითა და ხარჯებით, აღმოფხვრას აღმოჩენილი წუნი/დაზიანება.

მომსახურების გაწევის ვადები

1. მიმწოდებელმა უნდა უზრუნველყოს მომსახურების გაწევა ხელშეკრულების გაფორმების დღიდან 2014 წლის 31 დეკემბრის ჩათვლით.
2. მომსახურების გაწევა მოხდება ეტაპობრივად, შემსყიდველის მოთხოვნის შესაბამისად.
3. მომსახურების გაწევა უნდა განხორციელდეს ავტომანქანის მიმწოდებლის ავტოტექმომსახურების ცენტრში მიყვანიდან არაუგვიანეს 3 კალენდარულ დღეში, ხოლო ნაწილის საწყობში არ არსებობის შემთხვევაში, მომსახურების გაწევის ვადა არ უნდა აღემატებოდეს 20 კალენდარულ დღეს.

ანგარიშსწორების ფორმა და ვადები

1. მიმწოდებელთან ანგარიშსწორება განხორციელდება უნაღდო ანგარიშსწორების ფორმით ეროვნულ ვალუტაში,
2. შემსყიდველი ხელშეკრულებით განსაზღვრული თანხის გადახდას განახორციელებს 2014 წლის სახელმწიფო ბიუჯეტის სახსრებით.
3. ანგარიშსწორება შემსყიდველის მიერ მოხდება ფაქტიურად გაწეული მომსახურების შესაბამისად, გაფორმებული მიღება-ჩაბარების აქტის და შესაბამისი დოკუმენტაციის (ანგარიშ-ფაქტურა, სასაქონლო ზედნადები) წარმოდგენის შემდეგ, 15 სამუშაო დღის განმავლობაში.
4. ხელშეკრულების მოქმედების ვადის ამოწურვის მომენტისათვის არსებული აუთვისებული/გამოუყენებელი თანხა რჩება შემსყიდველთან და იგი არ წარმოშობს რაიმე დამატებით ვალდებულებებს მიმწოდებლის მიმართ.
5. წინასწარი ანგარიშსწორება არ გამოიყენება.

აფიდავიტი

პრეტენდენტი ვაღდებულია გაეცნოს და დაეთანხმოს აფიდავიტის პირობებს, რა სახითაც იგი იქნება წარმოდგენილი სახელმწიფო შესყიდვების ერთიან ელექტრონულ სისტემაში, სატენდერო წინადადების წარდგენამდე.

დამატებითი ინფორმაცია

დაინტერესებულ პირებს დამატებითი ინფორმაციის მისაღებად შეუძლიათ მიმართონ სსიპ - შეფასებისა და გამოცდების ეროვნული ცენტრის სატენდერო კომისიის აპარატის წევრს:

- სატენდერო დოკუმენტაციებთან დაკავშირებით – ნინო ჩიხლაძე: 599 09 66 00

პრეტენდენტის მიერ სისტემაში ატვირთული სატენდერო წინადადება უნდა შეიცავდეს შემდეგ დოკუმენტებსა და ინფორმაციას:

- პრეისკურანტს, დანართი №1-ში მოცემული ფორმით. სადაც მითითებული უნდა იქნას დეტალისა და გასაწევი მომსახურების ერთეულის ღირებულებები, ასევე გაწეულ მომსახურებაზე და შეცვლილ დეტალზე გარანტიის ვადა (ან გარბენი). გასაწევი მომსახურებებისა და სათადარიგო ნაწილების ერთეულის ღირებულებები უნდა მოიცავდეს ამ ტენდერით გათვალისწინებული მომსახურების გაწევასთან დაკავშირებულ ყველა ხარჯსა და კანონმდებლობით გათვალისწინებულ გადასახადებს. ხარჯები, რომლებიც სატენდერო წინადადების ფასში არ იქნება გათვალისწინებული, არ დაექვემდებარება ანაზღაურებას;
- ინფორმაცია მომსახურების გაწევის ვადების შესახებ (დანართი №2);
- ინფორმაცია ორგანიზაციის ტექნიკური შესაძლებლობების შესახებ (დანართი №3);
- ინფორმაცია ქ. თბილისში მინიმუმ 1 (ერთი) სერვისცენტრის არსებობის შესახებ, მისი მისამართის და საკონტაქტო პირ(ებ)ის მითითებით;
- ინფორმაცია უკანასკნელი 2 წლის განმავლობაში ანალოგიური მომსახურების გაწევის გამოცდილების შესახებ (დანართი №4-ის შესაბამისად);
- რეკვიზიტები დანართი №5-ის შესაბამისად.

შენიშვნა:

1. პრეტენდენტის მიერ წარმოდგენილი სატენდერო წინადადება და სატენდერო დოკუმენტაცია დამოწმებული უნდა იყოს უფლებამოსილი ან მისი ნდობით აღჭურვილი (სათანადო წესით დამოწმებული მინდობილობის საფუძველზე) პირის ხელმოწერითა და ბეჭდით.
2. სახელმწიფო შესყიდვების ერთიან ელექტრონული სისტემაში სატენდერო წინადადების (ტექნიკური დოკუმენტაციისა და სატენდერო წინადადების ფასის) წარდგენით პრეტენდენტი ავტომატურად გამოხატავს თანხმობას ამ ტენდერით (სატენდერო დოკუმენტაციით) განსაზღვრულ მოთხოვნებზე.
3. ელექტრონული გარანტიის (სავარაუდო ღირებულების 1%) მოქმედების ვადა უნდა იყოს არანაკლებ 120 კალენდარული დღე „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მე-2 მუხლის პირველი პუნქტის „კ“ ქვეპუნქტით გათვალისწინებული ეტაპიდან.
4. იმ შემთხვევაში, თუ ტენდერში ელექტრონული ვაჭრობის შედეგად გამარჯვებული შემსრულებლის მიერ სისტემაში დაფიქსირებული საბოლოო ფასი 20%-ზე მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაციის მოთხოვნის შემთხვევაში, შემსრულებელმა უნდა დაასაბუთოს ფასწარმოქმნის ადეკვატურობა ან/და ამ ფასად ტენდერით გათვალისწინებული ვალდებულების შესრულების შესაძლებლობა.

ხელშეკრულების პროექტი

ქ. თბილისი

----- 2014 წელი

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ხელშეკრულება № სახელმწიფო შესყიდვების შესახებ

ერთი მხრივ სსიპ – შეფასებისა და გამოცდების ეროვნული ცენტრი (შემდგომში შემსყიდველი) წარმოდგენილი მისი დირექტორის მაია მიმინოშვილის სახით და მეორეს მხრივ, ----- (შემდგომში „შემსრულებელი“) წარმოდგენილი მისი ----- სახით, სახელმწიფო შესყიდვების კანონის და პრეტენდენტის (მისი დასახელება) სატენდერო წინადადების საფუძველზე, №SPA გამარტივებული ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

მუხლი 1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა შემსრულებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „შემსრულებელი“ – პირი, რომელიც ახორციელებს მოწოდებას ხელშეკრულების ფარგლებში.
- 1.6. „შესყიდვის ობიექტი“ – ხელშეკრულების მე-2 მუხლით გათვალისწინებული ხელშეკრულების საგანი.
- 1.7. „ტექნიკური დავალება“ – №SPA გამარტივებული ელექტრონული ტენდერის სატენდერო დოკუმენტაციის ტექნიკური დავალება, რომელიც დაერთოება ხელშეკრულებას, როგორც მისი განუყოფელი ნაწილი.
- 1.8. „ტექნიკური დოკუმენტაცია“ – მიმწოდებლის მიერ №SPA გამარტივებული ელექტრონული ტენდერის სატენდერო წინადადებით წარმოდგენილი ტექნიკური დოკუმენტაცია, რომელიც დაერთოება ხელშეკრულებას, როგორც მისი განუყოფელი ნაწილი.

მუხლი 2. ხელშეკრულების საგანი

- 2.1. წინამდებარე ხელშეკრულების საგანს წარმოადგენს (შემდგომში „მომსახურება“) სსიპ - შეფასებისა და გამოცდების ეროვნული ცენტრის ბალანსზე რიცხული ერთი ერთეული ავტომანქანა – TOYOTA PRADO-ს (ძრავის მოცულობა 2.7, გამოშვების წელი – 2007წ.) შეკეთება და ტექ. მომსახურება (CPV 50112000) პრეისკურანტის დანართი №1-ის მიხედვით.

მუხლი 3. ხელშეკრულების ღირებულება

- 3.1. პრეისკურანტის ღირებულება შეადგენს ----- ლარს
- 3.2. ხელშეკრულების ღირებულება შეადგენს 5000 (ხუთიათასი) ლარს.

3.3. ხელშეკრულების ჯამური ღირებულება მოიცავს ხელშეკრულებით გათვალისწინებული მომსახურების გაწევასთან დაკავშირებულ ყველა ხარჯს და საქართველოს კანონმდებლობით გათვალისწინებულ გადასახადებს.

მუხლი 4. ანგარიშსწორების ფორმა და ვადები

- 4.1. მიმწოდებელთან ანგარიშსწორება განხორციელდება უნაღდო ანგარიშსწორების ფორმით ეროვნულ ვალუტაში.
- 4.2. შემსყიდველი ხელშეკრულებით განსაზღვრული თანხის გადახდას განხორციელებს 2014 წლის სახელმწიფო ბიუჯეტის სახსრებით.
- 4.3. ანგარიშსწორება შემსყიდველის მიერ მოხდება ფაქტიურად გაწეული მომსახურების შესაბამისად, გაფორმებული მიღება-ჩაბარების აქტის და შესაბამისი დოკუმენტაციის (ანგარიშ-ფაქტურა, სასაქონლო ზედნადები) წარმოდგენის შემდეგ, 15 სამუშაო დღის განმავლობაში.
- 4.4. ხელშეკრულების მოქმედების ვადის ამოწურვის მომენტისათვის არსებული აუთვისებელი/გამოუყენებელი თანხა რჩება შემსყიდველთან და იგი არ წარმოშობს რაიმე დამატებით ვალდებულებებს მიმწოდებლის მიმართ.

მუხლი 5. მომსახურების მიღება-ჩაბარების წესი

- 5.1. ავტოსატრანსპორტო საშუალებების ტექნიკური მომსახურება უნდა განხორციელდეს მიმწოდებლისა და შემსყიდველის მიერ გამოყოფილი უფლებამოსილი პირების მიერ შედგენილი დეფექტური აქტის საფუძველზე. დეფექტურ აქტში მითითებულ უნდა იქნას დაზიანებული ავტოსატრანსპორტო საშუალების მოდელი, სახელმწიფო ნომერი, აღმოჩენილი ხარვეზი, აღნიშნული ხარვეზის აღმოფხვრისათვის საჭირო გასაწევი მომსახურებების ჩამონათვალი (შესაკეთებელი და/ან საჭიროების შემთხვევაში შესაცვლელი დეტალების გათვალისწინებით) და განხორციელოს აღნიშნული მომსახურება პრეისკურანტში (დანართი №1) მითითებული ღირებულებების შესაბამისად.
- 5.2. მომსახურების გაწევა ჩაითვლება მიღებულად მხოლოდ მხარეთა მიერ განსაზღვრული უფლებამოსილი პირების მიერ მიღება-ჩაბარების აქტის გაფორმების შემდეგ.

მუხლი 6. შესყიდვის ობიექტის მიწოდების ვადები და ადგილი

- 6.1. მიმწოდებელმა მომსახურების გაწევა უნდა განხორციელოს ეტაპობრივად, შემსყიდველის მოთხოვნის შესაბამისად, წინამდებარე ხელშეკრულების გაფორმების დღიდან 2014 წლის 31 დეკემბრის ჩათვლით.
- 6.2. მიმწოდებელი დეფექტური აქტის გაფორმებიდან ტექ. მომსახურებას დაასრულებს დანართი №2-ში მითითებული ვადების შესაბამისად.
- 6.3. მომსახურების გაწევის ადგილად განისაზღვროს მიმწოდებლის სერვისცენტრის ტერიტორია.

მუხლი 7. მხარეთა უფლება-მოვალეობანი

- 7.1. შემსყიდველი და მიმწოდებელი მოქმედებენ საქართველოს კანონმდებლობის სრული დაცვით.
- 7.2. **შემსყიდველი ვალდებულია:**
 - ხელშეკრულებით გათვალისწინებული პირობების შესაბამისად, აუნაზღაუროს მიმწოდებელს შესყიდვის ობიექტის ღირებულება.
- 7.3. **შემსყიდველს უფლება აქვს:**
 - განხორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე.
 - შეამოწმოს შესყიდვის ობიექტის ხარისხის შესაბამისობა ხელშეკრულებით გათვალისწინებულ პირობებთან.
- 7.4. **მიმწოდებელი ვალდებულია:**
 - დაიცვას ხელშეკრულებით გათვალისწინებული ყველა პირობა.

- საკუთარი ხარჯებით უზრუნველყოს ამ ხელშეკრულებით გათვალისწინებული ინსპექტირების შედეგად გამოვლენილი ყველა დეფექტის ან ნაკლის აღმოფხვრა.
 - დროულად, ჯეროვან, ხარისხიანად და კეთილსინდისიერად შეასრულოს ხელშეკრულებით ნაკისრი ვალდებულებები.
 - ხელშეკრულებით გათვალისწინებული ნაკისრი ვალდებულებების არაჯეროვანი შესრულების შემთხვევაში, აუნაზღაუროს შემსყიდველს მიყენებული ზიანი.
 - მომსახურების გაწევის პროცესში, საკუთარი ბრალეულობით ნებისმიერი ნაწილის დაზიანების ან/და მისი ბრალეულობით გამოწვეული ნებისმიერი გარემოების დადგომის შემთხვევაში, აუნაზღაუროს შემსყიდველს მიყენებული ზიანი.
- 7.5. მიმწოდებელს უფლება აქვს:**
- მოსთხოვოს შემსყიდველს მიწოდებული შესყიდვის ობიექტის ღირებულების ანაზღაურება ხელშეკრულებით გათვალისწინებული პირობების შესაბამისად.

მუხლი 8. პირგასამტეხლო ხელშეკრულების პირობების შეუსრულებლობისათვის

- 8.1. ხელშეკრულების 6.2 პუნქტით გათვალისწინებული ვადების გადაცდენის შემთხვევაში ყოველ დაგვიანებულ დღეზე მიმწოდებელს ეკისრება პირგასამტეხლო ხელშეკრულების ღირებულების 0.2%-ის ოდენობით.
- 8.2. იმ შემთხვევაში თუ პირგასამტეხლოს ჯამური თანხა გადააჭარბებს ხელშეკრულების ღირებულების 1%-ს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს შეწყვეტის მომენტისთვის გადასახდელი პირგასამტეხლოს ანაზღაურება, დაიბრუნოს ავანსის დარჩენილი თანხა და არ აუნაზღაუროს მიმწოდებელს შეუსრულებელი ვალდებულების ღირებულება.
- 8.3. მიმწოდებელი ვალდებულია დაფაროს პირგასამტეხლო არაუგვიანეს შემსყიდველის წერილობითი მოთხოვნიდან 10 (ათი) დღის ვადაში.
- 8.4. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

მუხლი 9. ხელშეკრულებით ნაკისრი ვალდებულებების შესრულების ინსპექტირება

- 9.1. შემსყიდველი უფლებამოსილია შესყიდვის ობიექტის მიწოდების პარარელურად განახორციელოს შემოწმება, რომლის მიზანია შესყიდვის ობიექტის შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.
- 9.2. შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს წუნდების მიზეზების მითითებით.
- 9.3. გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.
- 9.4. ხელშეკრულების მოთხოვნებთან შესაბამისობის დადგენის მიზნით სათანადო კონტროლს და ზედამხედველობას, მიღება-ჩაბარებისა და დეფექტური აქტების გაფორმებას შემსყიდველის მხრიდან განახორციელებს -----.

მუხლი 10. ხელშეკრულებაში ცვლილების შეტანა და ხელშეკრულების შეწყვეტა

- 10.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.
- 10.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულებების პირობების გადასინჯვა ხდება საქართველოს კანონმდებლობით დადგენილი წესით.

10.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

10.4. შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულებების შეუსრულებლობის წერილობითი შეტყობინების შემდეგ:

ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია საქონლის ან მისი ნაწილის მოწოდება;

ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული, რომელიმე ვალდებულება;

გ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

დ) მიმწოდებლის გაკოტრების შემთხვევაში;

ე) საქართველოს კანონმდებლობით გათვალისწინებულ სხვა შემთხვევებში.

10.5. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

10.6. მხარე ვალდებულია 10.4. და 10.5 პუნქტებით გათვალისწინებული გადაწყვეტილების მიღების განზრახვის შესახებ არანაკლებ 5 კალენდარული დღით ადრე წერილობით შეატყობინოს მეორე მხარეს.

10.7. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

10.8. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

მუხლი 11. ფორს-მაჟორი

11.1. ფორს-მაჟორი ნიშნავს მხარეებისთვის გადაულახავ და მათი კონტროლისაგან დამოუკიდებელ გარემოებებს, რომელიც არ არის დაკავშირებული შემსყიდველის და ან მიმწოდებლის შეცდომებსა და დაუდევრობასთან და რომელსაც გააჩნია წინასწარ გაუთვალისწინებელი ხასიათი;

11.2. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომელისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

11.3. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა სამ თვეზე მეტ ხანს, მხარეებს უფლება აქვთ ცალმხრივად შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

მუხლი 12. ხელშეკრულების შესრულების შეფერხება

12.1. თუ ხელშეკრულების შესრულების პროცესში მხარეებს შეხვდებათ რაიმე ხელშემშლელი გარემოებები, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმდებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

12.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

მუხლი 13. დავები და მათი გადაწყვეტის წესი

13.1. მხარეთა შორის წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

13.2. პირველი ინსტანციის სასამართლოს მიერ მიღებული გადაწყვეტილება უნდა მიექცეს დაუყოვნებლივ აღსასრულებლად.

მუხლი 14. ხელშეკრულების მოქმედების ვადა

14.1 ხელშეკრულება ძალაში შედის მხარეების მიერ მისი ხელმოწერის მომენტიდან და მოქმედებს 2014 წლის 31 დეკემბრის ჩათვლით.

მუხლი 15. სხვა პირობები

15.1. ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობით.

15.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

15.3. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

15.4. ხელშეკრულება შედგენილია ქართულ ენაზე სამ ეგზემპლარად, რომელთაგან თითოეულს აქვს თანაბარი იურიდიული ძალა. ხელშეკრულების ორი ეგზემპლარი ინახება შემსყიდველთან და ერთი ეგზემპლარი მიმწოდებელთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

მუხლი 16. მხარეთა იურიდიული მისამართები და რეკვიზიტები

შემსყიდველი:

მიმწოდებელი:

სსიპ – შეფასებისა და
გამოცდების ეროვნული ცენტრი
ქ. თბილისი, მინდელის ქ. №9
ს/კ 202198727
სახელმწიფო ხაზინა
ანგარიშის №200122900

მომსახურების გაწევის ვადები

მომსახურების გაწევა განხორციელდება ავტომატური მიმწოდებლის სერვისცენტრში მიუვანიდან არაუგვიანეს — კალენდარული დღის ვადაში, ხოლო ნაწილის საწყობში არარსებობის შემთხვევაში, მომსახურების გაწევა უნდა განხორციელდეს არაუმეტეს — კალენდარული დღის ვადაში.

ხელმოწერა და ბეჭედი -----

ტექნიკური შესაძლებლობები

შენიშვნა:

აღნიშნულ დანართში მითითებული უნდა იყოს საწარმოო და სასაწყობო სათავსოები (ბოქსების რაოდენობა), სამუშაოს შესრულებისათვის საჭირო ძირითადი და სათადარიგო მანქანა-დანადგარების საწარმოო სიმძლავრეები (დასახელებები და რაოდენობები), ავტონომიური ელექტრო კვების საშუალება (დასახელება და სიმძლავრე)

ხელმოწერა და ბეჭედი _____

ინფორმაცია

მინიმუმ 3 წლის განმავლობაში ანალოგიური (ავტომანქანა – TOYOTA PRADO) მომსახურების გაწევის გამოცდილების შესახებ

№	შემსყიდველი ორგანიზაცია	ხელშეკრულების საგანი	ხელშეკრულების გაფორმების თარიღი	ტენდერის შედეგად გაფორმებული ხელშეკრულების შემთხვევაში SPA ნომერი
1	2	3	4	5
1				
2				
3				

პრეტენდენტის ხელმოწერა და ბეჭედი _____

შენიშვნა:

- ა) ელექტრონული ტენდერის გარეშე გაფორმებული ხელშეკრულების შემთხვევაში, პრეტენდენტის მიერ სისტემაში უნდა აიტვირთოს ცხრილში შეტანილი ინფორმაციის დამადასტურებელი დოკუმენტ(ებ)ი (ხელშეკრულებები);
- ბ) ტენდერის შედეგად გაფორმებული ხელშეკრულების შემთხვევაში, საკმარისია შესაბამისი ტენდერის SPA ნომრის მითითება ცხრილის მე-5 სვეტში.

რეკვიზიტები:

პრეტენდენტის დასახელება:

ხელმძღვანელის სახელი და გვარი:

პრეტენდენტის იურიდიული მისამართი:

პრეტენდენტის ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის დასახელება:

ბანკის კოდი:

ანგარიშსწორების ანგარიშის ნომერი: